

BAHAGIAN A Soalan Objektif

Praktis 1 Pantun Kiasan

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Pantun Kiasan

- | | |
|--|---|
| <p>1 Tikar pucuk tikar mengkuang,
Alas nikah raja Melayu;
Ikan busuk jangan dibuang,
Buat perencah si daun kayu.</p> <p>2 Buah bacang masak serangkai,
Burung dekut meniti batang;
Saya dagang tidak terpakai,
Macam melukut di tepi gantang.</p> <p>3 Tebang gelam tebang kenanga,
Batangnya tumbang menimpa gedung;
Kumbang mengidam nak seri bunga,
Bunga kembang di puncak gunung.</p> | <p>4 Pokok terap tumbuh di bukit,
Belat berbanjar panjang ke hulu;
Jangan diharap guruh di langit,
Kilat memancar hujan tak lalu.</p> <p>5 Limau Bentan di tepi tingkap,
Budak-budak melempar burung;
Harimau di hutan lagi kutangkap,
Kononlah pula cicak mengkarung.</p> <p>Dipetik daripada “Pantun Kiasan”,
antologi <i>Baik Budi, Indah Bahasa</i>,
Tingkatan 2,
Kementerian Pendidikan Malaysia</p> |
|--|---|

1 Nyatakan maksud *masak serangkai*.

- A Elok satu biji
- B Manis satu dahan
- C Sedap satu gugus
- D Matang satu rangkai

Mentafsir Aros R

2 Ikan busuk jangan dibuang,
Buat perencah si daun kayu.

Nyatakan kata-kata hikmat yang sesuai dengan pernyataan di atas.

- A Muafakat membawa berkat
- B Budi bahasa budaya kita
- C Berjimat cermat amalan mulia
- D Yang lahir memperlihatkan yang batin

Mentafsir Aros R

3 Apakah maksud rangkap kedua pantun ini?

- A Orang yang merantau hidup susah.
- B Orang yang merantau tiada kawan.

C Orang yang merantau sering rindu akan kampung halamannya.

D Orang yang merantau selalunya akan merendah diri apabila berada di tempat orang.

Memahami: Menganalisis Aros S

4 Berdasarkan rangkap keempat pantun ini, kita tidak boleh mengharapkan

- A sesuatu yang belum pasti.
- B sesuatu yang sudah hilang.
- C sesuatu yang sukar ditemui.
- D sesuatu yang dianggap mustahil.

Memahami: Menganalisis Aros S

5 Pilih pernyataan yang benar tentang pantun.

- A Burung dekut meniti batang.
- B Bunga kembang di puncak bukit.
- C Belat berbanjar panjang ke hilir.
- D Budak-budak melempar cicak mengkarung.

Menganalisis: Menyusun Aros T